

Euskal Herriko Ahotsak  
ahotsak.com

*Julio Zabaleta Yarza*

*Legazpi,  
Gipuzkoa  
(1933-2012)*

Aurkibidea



## Biografia



1933an jaio zen Legazpiko Egialde auzoko Eguzkitza baserrian. Betidanik baserriko bizimodua ezagutu izan du: ardiak eta behiak zituzten etxean; eta, artaldea hartuta, artzain ibili ohi zen. Legazpiko eskolan nazionalean ibili zen aurrena, eta La Sallen gero. Mendian egur-lanetan ibili bazen ere, baserriari lotuta egon izan da beti. Eguzkitza baserrian bildu ohi ziren auzoko denak lagunartean, eta ohitura hori mantendu egin da.

## Zintak

### LGA-062

- **Proiektua:** Legazpiko ahotsak
- **Elkarrizketatzailea(k):** Otegi, Aitziber
- **Data:** 2010-11-11
- **Iraupena:** 78 min
- **Euskarria:** Bideo digitala
- **Kodifikatzailea:** Gallastegi, Maddi

## Pasarteak

### 1. Ardiak eta behiak baserrian

- **Erref:** LGA-062/003
- **Iraupena:** 0:02:53. **Hasi:** 00:04:09. **Bukatu:** 00:07:02
- **Multimedia:** bideoa online ikusgai

#### Gaia(k):

- Baserria » Baserriko lanak » Artzaintza
- Baserria » Baserriko lanak » Baserriko animaliak

#### Laburpena:

Ardiak eta behiak zituzten baserrian, txerriren bat ere bai, eta oiloak. Behiek emandako esnea familiakoen artean banatzen zuten. Lehen ardiak txabolan jezten zituzten, baserritik ordu erdiko bidea egongo zen txabolara arte.

### 2. Ardi mutur beltzak

- **Erref:** LGA-062/004
- **Iraupena:** 0:03:31. **Hasi:** 00:07:02. **Bukatu:** 00:10:33
- **Multimedia:** bideoa online ikusgai

**Gaia(k):**

- Baserria » Baserriko lanak » Herrira saltzera, eroastera
- Baserria » Baserriko lanak » Artzaintza

**Laburpena:**

Ardiak larrean elikatzen ziren, belar onduaz bestela, eta ume garaian pentsu pixka bat eman ohi zitzaien, etxeko arto eta gariz egina. Ardi mutur beltzak izan zituzten, mutur gorriren bat ere izan zuten arren. Gaztetxoak zirela astoarekin joaten ziren Zumarragara, igandeetako azokara arkumeak saltzera. Aitak lantegian lan egin arren, goizean goiz lanera joan aurretik, artaldea zaintzera joan ohi zen, eta iluntzean berdin. Beraiek ere laguntzen zioten aitari lan horietan.

**3. Artegira ardiak jeztera**

- **Erref:** LGA-062/005
- **Iraupena:** 0:03:41. **Hasi:** 00:10:33. **Bukatu:** 00:14:14
- **Multimedia:** bideoa online ikusgai

**Gaia(k):**

- Ekonomia eta industria » Lan-prozesuak
- Baserria » Baserriko lanak » Artzaintza
- Baserria » Baserriko lanak » Abere-hiltzea

**Laburpena:**

Ardiak artegian jezten zituzten beti. Ardientzako askak egurrezkoak izaten ziren, baita "artxarak" ere. Hurritz zotzekin egindako hesiak egoten ziren inguruan, arkumeak bereizteko ardiengandik. Ardi herrenik ez zen izan auzoan eta inguruan, hori beranduagoko kontua izan omen zen, nahiz eta beste auzo eta herri batzuetan ordurako baziren ardi herrenak. Harri urdina eta iodoa izaten ziren botikarik onenak ardi herrenentzat.

**4. Ardi moztea**

- **Erref:** LGA-062/006
- **Iraupena:** 0:04:42. **Hasi:** 00:14:14. **Bukatu:** 00:18:56
- **Multimedia:** bideoa online ikusgai

**Gaia(k):**

- Ekonomia eta industria » Lan-prozesuak
- Baserria » Baserriko lanak » Artzaintza

**Laburpena:**

<p>Ardi moztea San Joanetan egiten zen. Aitak mozten zizkien ardiei zatirik konplikatuena, eta errazena berari uzten zizkion. Jaio eta handik urtebetera mozten zieten isatsa arkumeei, ondoren buztana erre egiten zuten, guritutako burdinarekin. Markatu ere egin behar izaten ziren ardiak, norbere ardiak identifikatzeko. Zintzarriak ardi banaka batzuei bakarrik jartzen zizkien, baziren ardi denei jartzen zizkien ere.</p>

**5. Eskolan, neskak alde batetik, mutilak bestetik**

- **Erref:** LGA-062/009
- **Iraupena:** 0:02:57. **Hasi:** 00:25:26. **Bukatu:** 00:28:23
- **Multimedia:** bideoa online ikusgai

**Gaia(k):**

- Familia eta harremanak » Sexua eta generoa » Genero berdintasuna
- Ohiturak eta bizimodua » Hezkuntza » Eskola
- Ohiturak eta bizimodua » Erlijioa » Elizkizunak eta otoitzak
- Politika » Politika eta Franco

**Laburpena:**

<p>Goizero, eskolara sartu orduko mezara joaten ziren, erreztzera, kapila bertan baitzegoen. Mutilek egurrezko kaxoi edo apaletan uzten zituzten etxetik eramandako oinetakoak, eta beste batzuek jantzen zituzten, bai mezarako eta baita errekreora irteteko ere. Natic kontatzen du eskolara sartu orduko "&iexcl;Viva Espa&ntilde;a!" abestu behar izaten zutela, ondoren errezoak, eta orduan hasten zirela lanean.</p>

**6. Abarkak eta zapiak**

- **Erref:** LGA-062/011
- **Iraupena:** 0:03:13. **Hasi:** 00:33:08. **Bukatu:** 00:36:21
- **Multimedia:** bideoa online ikusgai

**Gaia(k):**

- Ohiturak eta bizimodua » Jantzi eta orraztu » Arropa eta oinetakoak
- Familia eta harremanak » Herriko giroa » Baserria vs. Kalea

**Laburpena:**

Juliok uda partean abarketak erabiltzen zituen, eta neguan berriz, abarkak. Ez zuen txapela erabiltzeko ohitura handirik, nahiz eta tarteka jantzi izan. Zapi ilunak erabiltzen zituen Natic lanerako. Neska gazteak sorora joaten ziren, garia lotzera, besarea besoan hartuta. Kaletar jendea azalez zuria zenez, Natic dio txapelak egiten zituztela soroan, eguzkiak azala erre ez ziezaien.

**7. Kaletarrak eta baserritarrak**

- **Erref:** LGA-062/012
- **Iraupena:** 0:02:17. **Hasi:** 00:36:21. **Bukatu:** 00:38:38
- **Multimedia:** bideoa online ikusgai

**Gaia(k):**

- Aisia » Jai-giroa » Beste toki batzuetara jaietara
- Familia eta harremanak » Herriko giroa » Baserria vs. Kalea

**Laburpena:**

Kalean, eskolan... baserritarrak ez ziren gutxietsiak izaten kaletarrengandik, eskolan maistrek ere kontrolatzen zuten hori. Hala ere, beti ez zen hala izaten, eta Urretxun euskal jai egunean gertaturiko istorio bat kontatzen du Natic.

**8. Gari jotzea**

- **Erref:** LGA-062/013
- **Iraupena:** 0:05:40. **Hasi:** 00:38:38. **Bukatu:** 00:44:18
- **Multimedia:** bideoa online ikusgai

**Gaia(k):**

- Ekonomia eta industria » Lan-prozesuak

- Baserria » Baserriko lanak » Garia
- Baserria » Baserriko lanak » Baratzea eta soroa

#### **Laburpena:**

Artoa, garia... denetarik jorratzen zuten, alpapa geroagoko kontua izan zen. Garia kentzean, uztailan, arbia lantzen zen, arbia kentzean artoa, eta udazkenean, garia lantzen zen, uztailan jasotzen zelarik. Garia eskuz jasotzen zuten, igitaiarekin, metan zortzi egunez izaten zuten garia, eta ondoren zabaldu egiten zuten. Garia jotzeko auzotar denen artean makina bat hartzen zuten, eta makina hartan garia nola jotzen zuten kontatzen du Juliok. Behin garia jota, garia garbitzeko "dornuan" sartzen zuten.

### **9. Errotara garia eta artoa ehotzera**

- **Erref:** LGA-062/014
- **Iraupena:** 0:02:50. **Hasi:** 00:44:18. **Bukatu:** 00:47:08
- **Multimedia:** bideoa online ikusgai

#### **Gaia(k):**

- Familia eta harremanak » Herriko giroa » Auzokoen arteko harremana
- Baserria » Baserriko lanak » Errota
- Familia eta harremanak » Sexua eta generoa » Genero berdintasuna

#### **Laburpena:**

Gizonezkoek eta emakumezkoek lan desberdinak egiten zituzten gari jotzean. Behin lanak amaituta, festa ederra izaten zen ondoren. "Bengolea" errotara joan ohi ziren artoa eta garia ehotzera, astoan joaten ziren eta "Bengolea" itxita egon zen garaian, Antzuolara joan ohi ziren.

### **10. Saltzaileak, traperoak eta ijitoak**

- **Erref:** LGA-062/015
- **Iraupena:** 0:05:15. **Hasi:** 00:47:08. **Bukatu:** 00:52:23
- **Multimedia:** bideoa online ikusgai

#### **Gaia(k):**

- Lanbideak » Batetik bestera zebiltzanak
- Baserria » Baserriko lanak » Garia
- Familia eta harremanak » Herriko giroa » Kanpoko jendearekin harremana

#### **Laburpena:**

Irin zakuak hiru edo lau aste irauten zien etxean, bi labe zituzten etxean ogia egiteko. Okinik ez zen joaten euren baserrira, saltzaileak bai, denetarik saltzen zutenak: josteko orratzak, kordioak... Legazpin trapero bat bazen, "Jerusalem" deitzen zioten. Ijitoak ere baziren, haietako bat Santa Kutzetan astoei ilea moztera etortzen zen Legazpira, guraize okerrekin. Markatu egiten zituen astoak, berak moztutakoak zirela jakin zezan jendeak.

### **11. Osaba Santoñatik Madrilgo kartzelara**

- **Erref:** LGA-062/016
- **Iraupena:** 0:02:37. **Hasi:** 00:52:23. **Bukatu:** 00:55:00
- **Multimedia:** bideoa online ikusgai

**Gaia(k):**

- Politika » Gerra zibila (1936-1939) » Errepresioa
- Politika » Gerra zibila (1936-1939)
- Politika » Gerra zibila (1936-1939) » Ihes egin beharra

**Laburpena:**

Osaba bat Santoñara joan zen gerra garaian, gudariekin, eta Madrilen kartzelaratu zuten. Donostiako osaba izeba batzuek ere alde egin zuten Donostiatik, beldurrez, jende askok egin zuen ihes gerraren beldur.

**12. Ganadua ez, baina babarrun zakuak ezkutuan**

- **Erref:** LGA-062/017
- **Iraupena:** 0:03:12. **Hasi:** 00:55:00. **Bukatu:** 00:58:12
- **Multimedia:** bideoa online ikusgai

**Gaia(k):**

- Politika » Gerraostea eta Francoren diktadura » Ekonomia gerraostean
- Politika » Gerra zibila (1936-1939) » Ondasunen galera

**Laburpena:**

Ganadua izkutatu beharrik ez omen zuten izan gerra garaian, baina bistan ere ez omen zuten uzten, badaezpada. Babarrun zakuak-eta ezkutatu izan zituzten, bestela udaletxera eraman behar izaten baitzen jasotakoaren zati bat. Etxeko errenta dirutan eta kapoietan ordaintzen zuten. Natik kontatzen du senarra zenaren txahalari buruzko istorio bat.

**13. Eguzkitzazelaiko ermandadea**

- **Erref:** LGA-062/018
- **Iraupena:** 0:02:51. **Hasi:** 00:58:12. **Bukatu:** 01:01:03
- **Multimedia:** bideoa online ikusgai

**Gaia(k):**

- Politika » Gerra zibila (1936-1939) » Ondasunen galera
- Familia eta harremanak » Herriko giroa » Auzokoen arteko harremana

**Laburpena:**

Ganadu ermandadea zuten auzoan, txabola batean elkartzen ziren, Eguzkitzazelaiko ermandadea deitzen zieten. Hogeita lau baserri elkartzen ziren ermandadean. Juliok ganaduaren balioari buruzko azalpenak ematen ditu.

**14. Legazpiko lantegi eta tabernak**

- **Erref:** LGA-062/019
- **Iraupena:** 0:01:05. **Hasi:** 01:01:03. **Bukatu:** 01:02:08
- **Multimedia:** bideoa online ikusgai

**Gaia(k):**

- Lanbideak » Negozioak, dendak
- Lantegiak » Ekonomia eta industria » Gipuzkoako lantegiak » Urola Goierriko lantegiak
- Aisia » Taberna giroa » Tabernak eta jatetxeak

**Laburpena:**

Patrizioren lantegia eta paper-lantegia bakarrik zeuden garai batean Legazpin. Geroxeago beste tailer txikiago batzuek ere zabaldu zituzten, tabernak ere baziren.

**15. Mutilak santa eskean Brinkolara**

- **Erref:** LGA-062/020
- **Iraupena:** 0:01:50. **Hasi:** 01:02:08. **Bukatu:** 01:03:58
- **Multimedia:** bideoa online ikusgai

**Gaia(k):**

- Aisia » Taberna giroa » Jokoak
- Aisia » Jai-giroa » Beste toki batzuetara jaietara
- Aisia » Jai-giroa » Santa Ageda

**Laburpena:**

Mutilak neguan auzoan bertan elkartzen ziren, udan erromeria batetik bestera ibiltzen baitziren. Neguan kartetan jolasten zuten, musean-edo, meriendatu, eta etxera erretiratzen ziren. Urte batean santa eskean irten ziren, trenez Brinkolara joan eta bertan aritu ziren kantuan.

**16. Mutilak musean, neskak zinean**

- **Erref:** LGA-062/021
- **Iraupena:** 0:03:37. **Hasi:** 01:03:58. **Bukatu:** 01:07:35
- **Multimedia:** bideoa online ikusgai

**Gaia(k):**

- Aisia » Taberna giroa » Jokoak
- Aisia » Kultura » Zinema
- Familia eta harremanak » Sexua eta generoa » Genero berdintasuna

**Laburpena:**

Janaria saltzen zuten bi kooperatiba zeuden Legazpin. Tabernak, berriz, ugari: Txoko, Toki-Alai, Andres Enea... Igande arratsaldeetan zinera joaten zirela dio Natik, Ibaiondo zinera. Mutilak Eguzkitza baserrian bertan elkartzen ziren, jokoan aritzeko, musean-eta.

**17. Hitanoa eta erreberentziak**

- **Erref:** LGA-062/022
- **Iraupena:** 0:03:51. **Hasi:** 01:07:35. **Bukatu:** 01:11:26
- **Multimedia:** bideoa online ikusgai

**Gaia(k):**

- Euskara » Tratamenduak
- Ohiturak eta bizimodua » Erljioa » Elizaren indarra
- Euskara » Tratamenduak » Berorika
- Euskara » Tratamenduak » Hitanoari buruz

**Laburpena:**

<p>Lagun artean eta neba arreben artean hika aritzen zirela dio Juliok, Natik dio bera hika trabatu egiten zela, eta zuka gehiago aritzen zela. Gurasoei zuka egiten zieten biek, baita aitona-amonei ere, eta apaizari, berorika. Elizak

jakinarazpenik egiten bazuen kolean zehar ibiliko zirela olio santuarekin edo  
jauna hartzeko deia eginaz, makurtu egin behar izaten zuten elizakoak pasa  
arte, erreberentzia gisa. Konfesatzera ere sarri joan ohi ziren.</p>

---

**Zabaleta Yarza, Julio** | ahotsak.eus Orr.

**Ahotsak.eus**-eko edukiarekin sortutako dokumentu automatikoa.

2025-11-29

**CC-by-sa | Ahotsak.eus**

Badihardugu Euskara Elkartea

Markeskua Jauregia, 20600 Eibar

943121775 - ahotsak@ahotsak.com